



Ilanngaaserineq pillugu periusissiaq

Inussuk 2018-2023



Ilanggaaserineq pillugu periusissiaq

Periusissiap Inussuk-p siunertaraa ilanggaaserineq pillugu suliap qanoq aqqissuunnissaanut inaarneqarnissaanullu sinaakkutissat qanoq sammiveqartinneqassanersut, qanorlu isumagineqassanersut qulakkiissallugit. Periusissiamilu suliaqarfiup iluanut tunngasut makku pingaartinneqarput; kiffartuussi-nerup iluani pitsaassuseq, atugarissaarnissaq isumannaallisaanerlu.


Periusissiaq ukiuni ukunani ingerlanneqassaaq 2018-2023.

Ilanggaaserinermit suliassat Akileraartarnermut Aqutsisoqarfiup Siunnersuinermit nakkutilliinermullu immikkoortortaata sularisarpai Nuummilu Akileraartarnermut Aqutsisoqarfimmi allaffeqarpoq. Tamatumani saniatigut aamma Kangerlussuup mittarfiani Ilulissanilu allaffeqarpoq.

Siunnersuinermit nakkutilliinermullu immikkoortortaqaqarfiup suliassarai nioqqutissat akitsuutillit eqquneqartartut nakkutiginnissaat, akitsuutinik akileeqqusisarneq aammattaaq ikiaroorartunik anngiortumik eqqussuinissap allanillu eqquteqqusaanngitsunik pinaveersaartitsinissaq. Tamatumani saniatigut immikkoortortaqaqarfiup suliassaraa inuit, allakkat, poortukkat assartukkallu avammut annissukkat, tassunga ilanngullugit angallatit tingerlaatillit misissortassallugit, anngiortumik aningaasanik angallassineq, CI-TES-ip ataani uumasut illersukkat timaasa ilaannik sanaat aatsitassallu Kalaallit Nunaanneersut.

Immikkoortortaqaqarfiup nakkutilliineranut ilaapput angalasut nunamut isertut anisullu nakkutigissallugit, immakut silaannakkullu assartukkat ilanngullugit, kilisaatit allatigullu umiarsuarmik, allakkanik timmisaartukkullu angalanerit.

Immikkoortortaqaqarfik najuussinnaasumik sinniisoqanngippat, ilanggaaserinermit suliassat taamatut suliaqartussatut akuerineqarsimasut isumaginnittuusarput. Taakku tassaagajuttarput TELE.POST-imi Mit-tarfeqarfiniluunniit sulisut taamatut suliakkerneqarnissamut immikkut akuerisat.




Inuit nunamut iserlutillu anisartut pingaarnermik timmisartukkut angallanneqartarput. Mittarfiit taamat atorpeqartartut tallimaapput, Narsarsuaq, Kangerlussuaq, Ilulissat, Nerlerit Inaat aamma Kulusuk.

Assartukkanik angallassinerit qulaani mittarfiit atorlugit ingerlanneqartarput, immakkulluunniit containerit allatigullu umiarsuit angallassisartut atorlugit. Immakut assartukkanik angallassinerit annerusumik Nuummi qitiusumik Sikuki Nuuk Harbour A/S-ip talittarfiata atortorissaarutai atorlugit ingerlanneqartarput. Tassanngaanniit assartukkat siammarterneqartarput. Taakku saniatigut nunamut nunamiillu avammut angalasoqartarpoq aalisakkanik tunisassiornermut atatillugu kilisaatinit, umiarsuit takornaris-sanik angallassissutitigut, angallatinik tingerlaatilinnik il. il.

Kalaallit Nunaanni ilanngaaserinermut nakkutilliinermullu suliassatut pisussaaffik ajornakusoortinneqartarpoq nunap isorartussusia pissutaalluni, nunamut tikittarfiit aallartarfiillu siammasissuummata, immakut silaannakkullu assartuinermut tulluussagaammata, kilisaatit amerlasuut tikittarmata, angallatillu allat aalisakkanut tunisassiornermut takornariaqarnermullu attuumassutillit tikittarmata. Tamanna pillugu aalisarnerup takornarialerinerullu iluanni nakkutilliisutut suliassat annertupput. Tamakkulu pissutigalugit najuunnissamut pilersaarusiortariaqarnerit, nakkutigisariaqakkat tassanngaannartumik takuteriasaartarneri pissutigalugit qisuariapallattariaqarneq, suliassallu naammassinissaannut piffissaq eqqarsaatigalugu pilertortumik iliuseqartariaqarneq pissutigalugu nakkutilliisutut sulineq imaannaanngitsuusarpoq.

Suliassat naammassilertorsinnaanissaannut iluaqutit tassaapput sammisami akuusartut amerlasoorsuuneq ajormata, nunamullu iserfissat amerlavallaangimmata. Naak aappaatigut ilaasut, allakkat, assartugassallu eqqarsaatigalugit nunamut iserfissat amerlangikkaluartut, taakku siammasissorujussuarmik inissisimaffeqarput.

Aammattaaq pissutsit imaapput angalasut, allakkat assartukkallu aqqusaartuusarmata, ingerlateqqinginnerinilu suliassat piffissaq annikitsuunnaq atorlugu isumagineqartariaqartarlutik.



Ilanngaaserinermut periusissiap suliassatut naammassisassaqarfii

Suliassap naammassinissaa uatsinni qitiuvoq:

- ▶ Pingaarnertut suliassatta makku naammassinissaat pimoorupparput,
 - nioqqutissanik eqqussuineranut annissuinernullu nakkutillineq
 - eqquteqqusaanngitsunik nakkutillineq, pingaartumik ikiaroorartaq eqqarsaatigalugu
 - innuttaasunik, suliffeqarfinnik pisortanillu nioqqutissanik eqqussuineq annissuinerlu pillugit nalinginaasumik siunnersuineq
- ▶ Suliassap naammassineqarnissaa eqqarsaatigalugu tamanna pisarissersuutaanngitsumik naammassineqassasoq qitiuttipparput, innuttaasut suliffeqarfiillu nioqqutissianik eqqussuisarnerannut annissuisarnerannullu periarfissaat akimmisaartinnagit
- ▶ Innuttaasut, suliffeqarfiit pisortallu allat pimoorussilluta suleqatiginiarpagut. Tassunga ilanngullugu paasissutissanik katersinermi atuinermilu annertusaanermi, paasissutissat digitaliusut tassunga aamma ilanngullugit, pisortaqaarfiillu akimorlugit suleriaaseqarnikkut.
- ▶ Suleqatigiinnikkut iluaqutaasussat eqqumaffigaagut Naalagaaffeqatigiinnerup iluani Nunanilu Avannarlerni paasissutissanik taartigeeqatigiittarneq ilanngullugu




Kalaallit Nunaanni ilanngaaserinikkut suliassat naammassinissaat ineriartortittuarpagut

- ▶ Paasissutissat katersorlugillu passuttarpagut, kinaassusersisarneq, immikkoortiterineq tulluuttumillu qisuariaaseqarnissaq siunertaralugu
- ▶ Paasissutissat takkussortut tigusartakkagut ingerlaavartumik nalilersortarpagut isumalluutivut sumut saariassanersut nakkutilliinitsinnilu ukkatarinninnissaq siunertaralugu
- ▶ Nammineq ingerlatsinissaq innuttaasunut suliffeqarfinnullu ajornannginneruleqqullugu sulilu annertunerusumik periarfissaqqullugu sulissutigaaqput. Tassunga atatillugu immikkut periusissiap atorneqarnerata nalaani eqqussukkat avammullu tunisat pillugit suliassap tamakkiisumik digitalisererneqarnissaa

Suliagut malunnartunngortippagut

- ▶ Inuiaqatigiit akornanni saqqumivugut
 - Suliatsinnik naammassimasagut inernerilu nalunaarsorpagut
 - Innuttaasut akornanni tusagassiuutit aqutigalugit innuttaasunut suliatsinnik naammassisatsinnillu ilisimatitsisarpugut
 - Ataatsimiittartuni pisoqarfiusunilu suliatsinnut attuumassuteqartuni akuusarpugut immikkut innuttaasut paasissutissanik pilersorlugit siunnersortarlugillu




Siunnersuinnermut nakkutilliinermullu immikkoortortap innuttaasut suliffeqarfyllu pitsaasumik kiffartuun- nissaat ukkitaraat

- ▶ Suliassanik ilisimaarinnineq aqutigalugu assigiissaarisuuvugut, pisartullu iluanni ataatsimoorussinissa-
mik, sullissinerpullu pitsaasuussasoq pingaartitaraarput. Tamanna aqutigalugu innuttaasut, suliffeqarfiit
inuaqatigiillu inatsisitigut innarlitsaalineqarnissaat qulakkeerneqassaaq
- ▶ Sapinngisamik innuttaasut suliffeqarfyllu qarasaasiatigutsiaruarterivimmik, nalunaarusiortarfissaannil-
lu, paasissutissanik, ilitersuutunik immersugassanillu aallerfigisinnaasaannik periarfissaqartinniarpagut.
- ▶ Kalaallit Nunaannut nioqqutissanik eqquusuinnermut annissuinnermullu malittarisassat pillugit innuttaasut,
suliffeqarfiit pisortallu ilisimatinneqartarnissaat siunnersorneqartarnissaallu pingaartitaraarput

Suliffeqarfik pitsaasoq tassaavoq suliffeqarfik sulisuminik isumaginnittoq

- ▶ Suliffimmi tarnikkut atukkat eqqumaffigaagut
 - Assigiinngiaassuseq ataqqisaraarput, inuiaat qanoq ikkaluarpata, qanoq kultureqaraluarpata, qanoq
oqaaseqaraluarpata qanorluunniit upperisaqaraluarpata.
 - Pitsaasumik attaveqatigiittuunissaq pingaartitaraarput
 - Angerlarsimaffimmi inuuneq suliffimmi inuuneq peqqissumik oqimaaqatigiittuussapput
 - Ammasumik oqaloqatigiissinnaaneq uagutsinnut pingaaruteqarpoq nammineq pilersitsisinnaanermik,
tatigeqatigiinnermik, naapertuilluarnermik suliffiullu iluani suleqatigiilluarnermik pilersitsisarmat




▶ Suliffimmi timikkut atukkat eqqumaffigaagut

- Ergonomi ikiutissanillu atuisarneq
- Nammineq timip paarilluarnissaata pingaassusia aamma peqqissumik aalalluartumillu inooriaaseqarnissaq
- Ingerlaavartumik pissutsinut malinnaasumik suliffeqarfik nalilersorneqassasoq, nakkutillilluni suliffigisat iluanni unammillernartut suussusiinik paatsuungasoqaqqunagu

▶ Suleqatit piginnaasiisa ineriartortinneqarnissaat ataavartinnissaallu

- Ilangaaserinermi sulisunut piumasaqaatit naapertuuttooqqullugit pikkorissarnerit ilinniartitaanerillu piginnaangorsartitsisut nalinginnaasut piareersassavagut
- Sulisut ineriartornissaat siunertaralugu oqaloqatiginnittarneq pimoorullugu atortarparput sulisut ataa siakkaat suliffeqarfiup piumasaqaataannut naapertuuttooqqullugit ineriartorsinnaaqqullugit.





**AKILERAARTARNERMUT AQUTSISOQARFIK
SKATTESTYRELSEN / TAX AGENCY**

P.O. Box 1605 3900 Nuuk

Oq./Tel.: +299 34 65 00

www.aka.gl